

सिद्धिदास महाजु

मं  
वा  
ब

सिद्धिदास बुद्धि खलः

स्व० सिद्धिदास विरचित

संवाद

सिद्धिदास बुद्धि खलः

पिकाक :-

सिद्धिदास बुद्धि खलः

जनबाहा ।

नेपाल संबत १०८६ ज्ञपुजा ।

न्हापां १०००

मू १।५०

थाःगु थाय् :-

नेपाल प्रेस

६/५६८, न्हू सतक,

कान्तिपुर ।

संवाद



स्व० महाकवि सिद्धिदास महाजु

६८७ - १०५०





# भूमिका

श्व संसारस करपिनिगु चाल चलन भति छुं  
मस्बसे सुयाके न्हापालाक ज्ञान दया मओ, हाकनं थन  
जन्म जुया न्हागु ज्या यासां लोकं खँ ल्हायगु मतोतु,  
भि यासा भि धया च्वन, मभिं यासा मभिं धया च्वन ।  
भुले जुया हे मभिंगु ज्या यात धासा मभिं धया च्वन,  
भुले जुया हे भिंगु ज्या या वंसा वयात भिं धका हे धया  
च्वन । उकिया निंतिं श्व ग्रन्थ (संवाद) धका नां छुना  
भिंष्यह मनुयागु चाल चलन शुभाशुभ कल्पना याना व  
मनुया नां नं कल्पना याना श्व ग्रन्थ दयका लोक  
उक्कारया निंतिं च्वया बिया । श्व ग्रन्थयात आदर  
भावं च्वना कंथ याना तय फुसा जुवाया खँनिसँ धनिया  
खँ तक थुलि विषये खँ सीका वं ज्ञां दय्के फै, अले  
जिगु परिश्रम नं सफल जुइ // इति //

## सूची

१ भवविलास जुवा	१
२ हरिविलास जुवा मखु	८
३ धर्मात्मा कृष्ण	१२
४ पापी मूर्खचा	१६
५ सज्जन धन	२०
६ दुर्जन गुणदास	२४
७ मनदास मूर्ख	२८
८ ज्ञानि पद्म	३२
९ धरनिधर लेख बांला	३६
१० धनविर लेख बांमळा	४०
११ उद्योगी शिवनर	४४
१२ अलसि हरिहर	४८
१३ दरिद्र दास	५२
१४ धनिराम	५६

## पिकाः पार्वे

‘सिद्धिदास’ धका थन प्यंगः आखलं नवाकेवं दकले  
न्हापां नेपाल भाषाया प्यंगः थांत निं न्होने दं वइ । अनं लिपा  
तिनि सिद्धिदास धैम्हेसित ह्यसीकेत अप्पो तिबः जुइ ।

ख ला, सिद्धिदास ह्यसीकेत वया न्हिन्हिसिया जा, कै,  
वासा नैगुया जातः प्वला च्वने हिसि दु ताइ मखु । वय्कः  
छ्वा ग्यसु लाह्य सहित्यकार थां खः ।

साहित्यया इतिहास व लाय्कूया इतिहास देनाः व दनाः  
धै थें पा । थुके जुगया जनजीवनया भोलाःगु इतिहासया  
त्वाथः लुया च्वनी । अथे सिद्धिदासया इले भी दुब्बाना स्वय्बले  
राणा सर्कारया जनताप्रति व नेपाल भाषायात न्हंका छ्वेगु  
दवाब नीति तलतल थिना च्वंगु पालिस थें खना च्वनी । उबले  
प्यंहा मनू मुना खँ ल्हाय् मज्यूबलेसियाह्य सिद्धिदासया च्वसाय्  
नं शोसित शासकप्रति तं व ब्वलाया मि च्याना च्वंगु खने दु ।  
अले मेगु, ‘गोथे’ या धापू कथं— “व राष्ट्रिय कवि खः, गुह्यस्यां  
थः देया मनूतय्गु नुगले दुवाला सः पिज्वय्का च्वनी ।”

उकिं सिद्धिदास, सिद्धिदास जक मजुसें नेपाया छ्वा  
राष्ट्रिय कविया रूपापालं दना च्वने फुगु हे भीगु जातः खः ।  
अज्ज ला छिकपिन्त भव ‘संवादं’ भन अप्पो ह्यसीके बी । मेगु  
ला जिमि ‘खलः’ पार्वे छुं धया च्वने म्वा थें ताः । अय्सां छता



खँ, थुगुसिया ६८ दँ क्यंगु सिद्धिदासया बुदि न्यायूकेत तिबः  
बिया दीपिनिगु नां बांलाक हे उला बी माः थें ताया । थुक्य  
साहित्यिक भाजु मयजुपिसं ग्वाहालि याःगु ला दहे दु । अथे नं  
थ्व सफू मछि पिक्काय्त अप्पो तिबः जूवःगु ला आर्थिक  
ग्वाहालि हे धका मधासैं मगाः । वय्कःपिं थथे खः ।

१) साहु कृष्णदास	१००।-
२) " रामजी	१००।-
३) " शंकर	५०।-
४) " श्री निवास गोपालराम	५०।-
५) " थाकुरराम गोपालराम	५०।-
६) " गुल्लिराम माडवारी	५०।-
७) " नौरङ्गीराम	५०।-
८) " तारावीरसिंह कसा	२५।-
९) " सानुरत्न	२५।-
१०) " पूर्ण सुन्दर	२५।-
११) " बाबुलाल	२५।-
१२) " पशुपतिनाथ आयल स्टोर	२५।-
१३) " नेत्रबहादुर कसा	१५।-
१४) तपुलि धुकू	१०।-
१५) दानरत्न एण्ड सन्स	१०।-
१६) शुभरत्न एण्डसन्स	१०।-
१७) रघुनाथ राय	१०।-

१८) सुर्य साहु	१०१-
१९) लाल साहु	१०१-
२०) चैत्यरत्न कसा	५१-
२१) जगन्नाथ	५१-
२२) जनकलाल गोविन्दलाल	५१-
२३) जीव स्टोर	५१-
२४) हरिहरेन्द्र बहादुर श्रेष्ठ	५१-
२५) त्रैलोक्यरत्न	७१-
२६) मालिराम	७१-
२७) 'नमस्ते'	५१-
२८) तिर्थराज	५१-
२९) बच्चुराम श्रेष्ठ	५१-
३०) हेदाज दुल्ला	५१-
३१) तुलिसभक्त	५१-
३२) भक्तिलाल	५१-
३३) मंगल प्रसाद	५१-
३४) मुसुन काजी	६१-
३५) पुष्प बज्र	३१-
३६) केशवलाल श्रेष्ठ	३१-
३७) आनन्द शाक्य	३१-
३८) बुद्धमान चतुरमान	२१-
३९) मि० एक्स	२१-

४०) लक्ष्मीवीर सिंह	२१-
४१) धर्मवंशी तुलाधर	२१-
४२) शान्ति भाइ	२१-
४३) तिर्य सुन्दर	२१-
४४) मुकुन्द	२१-
४५) धर्ममुनि शाक्य	२१-
४६) मोहन लाल	११-
४७) सोभियत लाल	११-
४८) हरि बहादुर खुसः	११-

ब्याक हापं दुर्तिगु ७५८१-

बुदि न्यायकागु खति ४१०१-

ल्यंगु ३४८१-

प्रेस खति ६०३१८०

अले थ्व ल्यंगु घेवां सिद्धिदासयागु हे बःचा धंगु सफू छगू पिकाय्गु धका जिमिसं मत्तिइ तथा । थ्व जिमिगु विचा-यात ल्वय्क जिमि त्वाःया नायो तारावीरसिंह कसाजुं नं तुचि तुचि “का, सफू पिकाय्सा फूचाःगु ग्वाहालि याना बी” धका धै दीगुलि “अय्सा जिमिसं पि हे पिकाय्गु” धका नुगलं कःछिना । थजःगु उत्साह जक मखु कि ६८ दै क्यंगु बुदि न्यायकेत हापं मुनेगु ज्याय् नं यक्को हे ग्वाहालि याना दीगुलि वय्कःयात थन न्ह्यथने बःजूताया । उकिं वय्कलं नेपाल भाषा

व ध्वया साहित्य च्वन्हाकेत न्हाबले न्हाबले थथे हे लिधंसा  
 बिया च्वनी धका जिमि “खलकं” मनं तुना । अले दकले लिपा  
 भी साहित्यिक अग्रज कवि केशरी चित्तधर ‘हृदय’ जुं थ्व सफू  
 पिकायूत थाकु मचासैं थम्हं हे सिद्धिदासया मू-सफुर्ति ल्हय्गु  
 व प्रेसे वना प्रुफ स्वया दीगुलिं जिमिसं न्हापायागु जन्मे धम हे  
 याना वयागु थें भाःपिया । उर्कि वय्कःयात सुवा जक बियां  
 मगाः । ... .. ।

राजा शाक्य

१०८६ न्हू बें ह्यपुबा

कन्भेनर

सिद्धिदास बुर्दि खलः

## परिचय

कवि श्री सिद्धिदाम अमात्यजु मद्गु आः वड्गु बाला-  
चहेसं स्वीखुदँ दै । वय्कःयात भीसं आतक्क बांलाक ह्यसीके  
मफुनि । वय्कःया विषयल्य् थौतक्क भीसं भति भति गुलि सीका  
कयागु खः व १६७७ साल्य् थाःगु वय्कःयागु सज्जन हृदया  
भरण १०८३ साल्य् थाःगु वय्कःयागु हे सत्यसती छथाय्  
निथाय् पिहाँ वःगु कवितात वय्कःया विषयले विभिन्न सहृदय  
मनूतसें च्याय्गु कविता, नाटक, लेख, संस्मरण आदि पाखें  
खः । बासः वासः मछि सफू दय्गुह्य धका नां जाःह्य कवियात  
बांलाक ह्यसीकेत थुलि सामाग्री यथेष्ठ मजू । गुबलेतक्क थ्व फुक्क  
सफू पिदनि मखु अबलेतक्क वय्कःयागु पूर्ण रूप सकसियां  
न्होने वड्गु धका धाय् थाकु । वय्कःया भाव छु, विचार छु,  
वय्कःया जीवनप्रति, भाषाप्रति, देशप्रति, धर्मप्रति दृष्टिकोण छु  
दु थनयागु साहित्ये वय्कःयागु स्थान देन छु -- आदि फुक्क  
सीकेत वय्कःयागु फुक्क कृतियागु अध्ययन आवश्यक जू ।  
वास्तव्य् गुम्हं हे यक्को कृति दुह्य मनूयात वया छगू निगू कृतिया  
आधारेलेनेत स्वय्गु वैगु किपायात पचिपचि याय्गु जक ज्वी,  
वैत हे बांलाक ह्यसिकेगु ज्वी मखु । अथे हे मेपिसं धाःगु  
अथवा च्वैतःगु खँया भरे जक ह्यसीकेत स्वय्बले नं एकांगी जू  
वनीगु भय दु, सम्पूर्ण परिचय लू वय् थाकुइ ।

थुजोगु अवस्थाय् वय्कःया मेगु सफू संवाद । सिद्धिदास  
बुदि खलःया ग्वसाः कथं । थौं पिहाँ वय् त्यन— थ्व तस्सकं  
लय्ताय् बहगु खँ खः । छुं मखुसां, थुकिं वय्कःयात ह्यसीकेगु  
लँय् त्वाथः छत्वाथः तनी । समाजय् वय्कःयागु लाना च्वंगु  
प्रभावय् छगू तंमा तनी थुकी छुं सन्देह मदु ।

१९७७ सालय् पिहाँ वःगु वय्कःयागु सज्जन हृदया भरण  
धैगु सफुतिं वय्कः छह्य नेपाः भाषां च्वैह्य, दोहा-चौपाड  
चिनीह्य न्याय नीतिया खँ लहाइह्य, मिसा मिजं थुलितक सज्जन  
जूमा ज्यू धका इच्छा याइह्य मनू धका कयनी । १०८३ सालय्  
पिहाँ वःगु वय्कःयागु सत्यसती धैगु सफुतिं विभिन्न वार्णिक  
छन्दय् खण्डकाव्य चिनीह्य, संसारे तःधं धैगु छुं दुसा धर्म हे  
जक दु धाइह्य, छँ त्रुलं स्व मिसा मिजं फुकसिया बांलागु छँ छँ मखु  
धका सकसितं ध्वाश्वीकेत सनीह्य समाजया परम्परा व  
आस्थाय्, संस्कार व संस्कृती, मनूतय्गु विश्वास हल्का जुजुं  
वःगुली, न्हूगु परिवर्तन वय्त रंगुली व हे परम्परा व आस्था,  
व हे संस्कार व संस्कृतियागु वः कयाः, न्ह्याःवःगु खुसिबाःयात  
पन्यगु अथवा लितञ्चय्गु उत्कट अभिलाषा याइह्य मनूया रूपय्  
न्ह्यथन । आः थ्व पिहाँ वया च्वंगु संवाद सफुतिं वय्कःयात  
समस्यापूर्ती रस काइह्य, ज्ञानगुणयागु खँ लहाना ज्वी माः ।  
म्वाःमदु ज्या यानाः ई फुके मज्यू धाइह्य, भीथाय् थन समाजे  
खने दुपिं धर्मात्मा-पायी, सज्जन-दुज्जन, मूर्ख-ज्ञानी, अलसी-  
उद्योगी, तःमि-चीमि, बांलाक-बांमलाक च्वैह्य, जुवा-मजुवा

आदि मनूतयूगु खँ न्ह्यथना मनूतयूगु मन परिवर्तन याना समाजे सुधार हय्त सनीह्य मनूया रूपे थने हइ ।

अथे हे थःगु खँ न्ह्यथनेगु प्रेरणा सत्यसती थः क्यहैयात स्त्रीजनं सीके माःगु खँ कनेगु भावना खः सा, ध्व संवादे त्वाय्-यात ज्ञान व लाभ दैगु खँ कनेगु अभिलाषा खः । सत्यसती प्रारम्भ यायां धैदी—

नानी लीलावती न्यों थनस जिन कने धर्मनीतिस धाःगु ।  
न्यों न्हं छं मन्तयावो अति हित जुइगू स्त्रीजनं सीके माःगु ॥

संवादया प्रारम्भयू धैदी—

त्वाये. जिनं छित कने अति ज्ञान दैगु ।

सीका तया जिन छगू अति लाभ दैगु ॥

कालं ख्यरे मखु छ्वये धक वाद यागु ।

नेना दिस थन खँ राम व स्यामयागु ॥

थुलि जक मखु वय्कःया थःगु खँ न्ह्यथनेगु तरीका नं विभिन्न सफुली विभिन्न खने दु । सज्जन हृदया मरणे छगू छगू दोहा चौपाइलय् छगू छगू दृष्टान्त न्ह्यथना छगू छगू नीतियागु खँ ल्हाना तःगु दु, गथे कि —

विधवा मिसाया दुरूपो चिना वोया ।

दुसुना वन हानं अनंतुं वोना ॥

निरधनि मनुध्या बुद्धि मनं पिहां वोया ।

हाकनं दोहां वन अनंतुं वोना ॥

सत्यसती अथे मखु, छगू बाखंयागु आधार कया व  
बाखंयात खँल्हाबल्हाया रूप्य न्हथना थःम्हं धाय् त्यनागु  
धमनीतियागु खँ अन्त्ये वना व बाखंया मुख्यह्य पात्रयागु  
दृष्टान्त कया कना तःगु दु । ध्व खँ उकी लमी जूह्य मायादेवीया  
म्हुनं नुवाका तःगु कवे ल्हयागु श्लोकं स्पष्ट याइ—

वयन मखुन आः जा नानि सत्यसती जि ।

धरम अधिक बल्ला थौं तया का मती जि ॥

जनम छिन कयाया बानलातं छि ज्ञानं ।

मसल जिन छि धाये माफ याका ननानं ॥

आः ध्व संवादे राम व स्याम निह्य दाजु किजाया ई  
छ्याय्कथं जूगु खँल्हाबल्हाया छत्वाःचा बाखं थें जूसां थुकी  
भवविलास जुवा, जुवा मखुह्य हरिविलास, धर्मात्मा कृष्ण,  
पापा मूर्खचा, सज्जन धन, दुर्जन गुणदास, मनदास मूर्ख, ज्ञानी  
पद्म, च्वेगुली पामह्य धरनिधर, छगः आखः नं च्वे मफुह्य,  
धनविर, उद्योगी शिवनर, अलसि हरिहर, दरिद्रदास व धनी-  
रामपिनिगु गुण अवगुणयागु वयान याना तःगु दु । सफू  
कचाय्काः धैतःगु दु—

पंचक् नं सिधलं कने न सिधलं फुकं निम्हेस्या खँ नं ।

वेगु ज्ञां वइतं परस्पर कना कालं हनं का अनं ॥

अध्या भिंथ्यगुली फुकं अन कना तोता बिलं खँ अनं ।

कालं ख्यल्य दतं धका व हरषं आनन्द याना च्वनं ॥



थुकथं विभिन्न सफुली वय्कलं विभिन्न सार मल्लब कनेगु  
ताः तया तःगु खने दु । सज्जन हृदया भरणे वय्कःया सार खँ  
थथे न्यने दु—

सज्जन मनुष्या संगतनं मूर् नापं भिना वै ।

पलेला लपते लः वंसा मोति थें लः सना वै ॥

सत्यसती वय्कलं धैदी—

संसारे तवधं अधीक धरमं पापं तव मखु ।

छें जुलं स्व मिसा मिजं फुकसिया बांलागु छै छै मखु ॥

आः थव संवाद खण्डकाव्य वय्कःया मुख्य खं थथे  
न्याथंगु दु—

लोकं खँ ल्हाय गन तोति स्व न्यागु यासां ।

मिं ओ ममिं निगुलियां थन न्याह हासां ॥

याना जुये थनस भोसन भिंगु ज्या का ।

दुर्नाम ज्वीगु छु सने जनमं जुया का ॥

थुकथं सी दु अभिव्यक्तिया माध्यम फुक्कय्सं छगू हे  
जूमां उद्देश्य न्यागुलीसं छखे हे जक व्वांवंगु खने दुसां,  
भावना न्याथासं उलि हे कोमल जुया व्वांसां, विभिन्न कृतितसें  
वय्कःया व्यक्तित्वया विभिन्न पक्ष कयना व्वांगु दु । गुम्हं गुम्हं  
लेखक कवियगु विषयले थें छगू निगू कृति हे वय्कःयागु  
व्यक्तित्वया प्रतिनिधित्व याय्थाको - थव स्वंगू जक सफूया  
अध्ययनं नं थथे संकेत या । वास्तव्य गुप्त लेखकया समाज-  
जागु जीवनया अध्ययन गुप्तं छगू जक पक्षे केन्द्रित अथवा

च

सीमित मजू. गुह्यसिगु अध्ययन व्यापक व तपका जू, वैगु कृतिन  
थथे जूवनीगु स्वाभाविक हे जुल ।

उकिं सिद्धिदासजुगात वांलाक ह्यसीकेगुसा वय्कःयागु  
फुक्क कृति अध्ययन याय्गु आवश्यक जू । व फुक्कं पिदनाः  
सर्वसाधारणया न्ह्योने पिदंसा जक वय्कलं जीवनभर दुःख  
सिया मिहेनत याःगुया सार समाजयात दइ । थौं नेपाल भाषा  
विकास मण्डलया ल्यू बुदिं खलः पाखें कःयागु खंगूगु कृति  
संवाद पिदना च्वन — थ्व तसकं हर्षयागु खँ खः । थुकिं भीत  
वय्कःयागु जक परिचय दैगु मखु, ज्ञानगुणयागु खँ नं दक्खों  
बोध ज्वी ।

अस्तु ।

कार्तिक ५, २०२२ }  
केलटोल

माधवलाल कर्माचार्य



# संवाद

श्री गणेशाय नमः

भवविलास जुवा

छन्द भुजंगप्रयात

दुखेसं सुखेसं नितासं छि थ्याह्य ।  
दुखीयां सुखीयां निहोस्यां खँ ब्याह्य ॥  
छिगू नां लुमंका हरी जि मनंका ।  
श्व संवाद जा जि दयेका थनं का ॥

छन्द वसन्ततिलक

त्वायेॐ, जिनं छित कने अति ज्ञान दैगु ।  
सीकातया जिन छगू अति लाभ दैगु ॥  
कालं ख्यरे मखु छ्ये धक वाद यागु ।  
नेना दिसं थन खँ राम व स्यामयागु ॥

## छन्द मालिनी

सरद ऋतु जुयाओ स्वान होका पलेस्वां ।  
 पुखुलि पतिक आहा च्वं ह्विता नं हँयेचां ॥  
 लखन अधिक बांला निर्मलं जू हनं का ।  
 पुखुलिस जुव शोभा सोस्वकी भं हनं का ॥

अधिक हिसि दु रात्री चन्द्रमा नं थिना का ।  
 नगु निगु फुक उर्थे जज्जमानं थिना का ॥  
 स्वयनप मन चक्कं लोकयागू अले का ।  
 हिसि दत अधिकं का थो ऋतू स्वेबले का ॥

चतकन अति आकास् चन्द्रमा नं थिना का ।  
 चिकुगु न मखु तांनो सीतलं जू स्वया का ॥  
 हरष फुक थव लोकं मन् सुयां जा मखोका ।  
 अधिक सुख जुयाओ मनमनं स्वान होका ॥

## शादूल विक्रीडित छन्द

शंभूराज धयाह्व दू वनिक का थो कान्तिपूरे छह्वा ।  
 लक्ष्मीपात्र व जा दु का धन अती वश्ये वया लोक नं ॥  
 काये म्हाय वया अधीक भिन का रूपं गुणं पूर्णका ।  
 आनंदं जुलका वया मन सदां काये सपूतं खना ॥

काये दू निह्म का अती सपुत्तपि भिका स्वभावं अमि ।  
 ज्ञानं जू परिपूर्ण का अमि निह्म अध्यात्मयागू अति ॥  
 श्यामं, राम धका जुलं अमिगु नां योका फुकं लोकया ।  
 सोये नेन्यगुली अधीक ततपर्दाजू किजां ज्ञां दया ॥

चोयेगू व्वन्थगू व ल्याख सकतां व्याकर्ण नं छन्द नं ।  
 ज्ञानं दू अमिके थव लोक हितया धर्म खनाओ मनं ॥  
 दामं त्याव्य धका मल्वात्त जुल नं सेनी धका ज्ञां कया ।  
 मेळं जू निह्मायां सियाव धरमं ल्वायू अमीजा मया ॥

### छन्द वसन्ततिलक

एकान्त थाय छगुली थव छैस सोया ।  
 संवाद यात अमिसं निह्नछीन ओया ॥  
 जूले बनी मन धका थुगु युक्ति यागु ।  
 ज्ञानं विना सुख मदू धक वाद यागु ॥

कार्तिक सुदी दशमिया निह्नसंनिसें हे ।  
 सलहा जुलं अमि निह्म अनसं अथें हे ॥  
 ल्वाकी जुलं थनस पंचकसं स्वया का ।  
 ल्वाये मखू थनस भीसन जू धया का ॥

कालं ख्यरे मखु छ्वये थन भीसनं का ।  
 लहाये खँ नं थनस भीसन जा निहं का ॥  
 ज्ञानं दई गुगु खँनं उगु खं थनं का ।  
 चर्चा हये सुमुक नं निहयां मनं का ॥

छन्द शिखरिणी

खँ लहाये पालंपा भिइ निह च्वनाओ हरषनं ।  
 थओ बुद्धि चाथे सिलगुलि खँ नं लहाय थनसं ॥  
 थथे सलहा याना अमि निह च्वनं का अन सुखं ।  
 निम्हेस्यां आनंदं सह अनस याना दुख सुखं ॥

छन्द वसन्ततिलक

लोकं खँ लहाय गन तोति स्व न्हागु यासां ।  
 भिं ओ मभिं निगुलियां थन न्हाह्य हासां ॥  
 याना जुये थनस भीसन भिगु ज्या का ।  
 दुर्नाम ज्वीगु छु सने जनमं जुया का ॥

छन्द शिखरिणी

किजा न्यो स्यामं ! छं जिन थन कने का खँ छगुली ।  
 जुलं त्यंका च्वंहां धन धिन फुकं का व दुगुली ॥  
 कने खं वैगू जिं अति मन तया न्यो छन थनं ।  
 बया नामं जूलं थन भवविलासं धकं हनं ॥

छन्द द्रुतविलंबित

भगत पूरस का वङ्गू छ्यँ नं ।  
 धन दु का वङ्के गुण ज्ञां मखं ॥  
 मलिन बुद्धि बया सकलं खनं ।  
 जुलस प्राण बिया जुलका वनं ॥

हलि जुले वन दां म समान का ।  
 करपिनी धन है मखु वं खना ॥  
 मनमनं खनि का वन दां बुका ।  
 भवविलास अती जुल न्हां जुवा ॥

चछि चछि व जुले जुल का स्वसो ।  
 इलम मेगु मखं वन जा स्वसो ॥  
 छलि धका सिल का फुक लोकनं ।  
 भवविलास जुवा सियकी मनं ॥

जुलन दां बुयवं जुइका वषे ।  
 रिस वई वङ्के सुमुकं अथे ॥  
 खनि वनं मननं वन-दां जकं ।  
 भवविलास जुवा अधिकं खनं ॥



वन खनं मननं थुलि दां दइ ।  
 बुइ मखं वन दां थवगू खइ ॥  
 बुयव जा वइके रिस जा वइ ।  
 भवविलास अतीव जुवा खइ ॥

इलम भिगु धका च्वन वं खनी ।  
 वइगु संपति सो बुलुहं यनी ॥  
 छथु निथू वन त्या प्यथु बू वनं ।  
 भवविलास जुवा अधिकं खनं ॥

बुइ वनं थवगू वनि संपति ।  
 विपति वै अन जा वइतं अति ॥  
 छलन जू हितलं कपती अति ।  
 भवविलास जुवा जुलका अति ॥

सुमुक नं च्वनिका मनसें बरु ।  
 जुलस वं मवसें मफुतं बरु ॥  
 जुलन हे धनि ज्वी जि धका च्वनं ।  
 भवविलास अतीव जुवा खनं ॥

वन व जात धनं जनया जुले ।  
 धन व त्या वनसां मच्चनं मुले ॥  
 थिर भती मच्चनं धन का उगु ।  
 भवविलासन दां खन जिं बुकू ॥

जुइव जा अवसें फवगिनं छको ।  
 मजुल का च्यतये भतिका स्वसो ॥  
 वन धनं अधिकं बलका लुका ।  
 भवविलास अती जुलका जुवा ॥

जिन खना स्व छको छलया वनं ।  
 थवगु दां मखुसां नलका वनं ॥  
 वन अनं नलका कपतं धनं ।  
 भवविलास अती मभिनं खनं ॥

इति श्री सिद्धिदास अमात्य विरचिते संवादे  
 भवविलास जुवा नाम  
 प्रथम 'सर्ग' ॥१॥

## हरिविलास जुवा मखु

छन्द शिखरिणी

छनं न्यो दाजू ! आ जिन थन कने का मन तया ।  
जुलं सेनी खं ह्यं अति बुभिकदारं जुवह्य का ॥  
बयागू खं स्यूका जिन वन कनाओ छकल का ।  
बया नामं जूलं थन हरिविलासं धक व का ॥

छन्द मालिनी

ललितपुरस जिं खं वैगु छे हे अनं का ।  
अधिक बुभिकदारं न्याय या का वनं का ॥  
सकलसित कना ज्वी जूलनं स्यों धका का ।  
मखत हरिविलासं जू छको हे धका का ॥

छन्द द्रुतबिलंबित

मखन का गन नं व जुलेस नं ।  
अति भलादमि जिं खन का ममं ॥  
अधिक झां दु खना जिगु जा मनं ।  
हरिविलास जिनं व जुवा मखं ॥

जित वनं कनका छलि जू धका ।  
जुलस दां तयबं फुक बू धका ॥  
मखन जिं गन नं हितुगू थनं ।  
हरिविलास जिनं व जुवा मखं ॥

वन मका छगलं बिल का धका ।  
जुलन त्यापिसनं छित ना धका ॥  
जुलस जिं तयका स्व मधा धनं ।  
हरिविलास जिनं व जुवा मखं ॥

मदु निसाप जुले वन धा छको ।  
बुयव भी बुतका थव दां दको ॥  
मबुतसा बुशू भयल है हनं ।  
थुलि धया हरिविलास जुवा मखं ॥

न्हालन ओ जि स्व पंचकसं सदां ।  
 मन मसं जिगु नं मबुना कदां ॥  
 दुख मजू जित सो थन दां बुना ।  
 हरिविलासन खं थुलि कंगु का ॥

भय मओ जि मने मस्हिता जुलं ।  
 मदु स्व लोभ जितं स्व जुले जुलं ॥  
 कस्वयनं जि मछा सरमं अनं ।  
 हरिविलासन धा जित जा थव खं ॥

जित पत्यार दुका गन वं अनं ।  
 थव मखुका स्व जुवा धक जा हनं ॥  
 जि मजुया व जुवा अधिकं जिलं ।  
 हरिविलासन धा थुलि खं जितं ॥

मन अती चियफू मस्वसें जुले ।  
 तइव पंचकसं सफुली मुले ॥  
 निहन्छि वं व व्वना छइ काल नं ।  
 हरिविलास जिनं व जुवा मखं ॥

बुकि वनं भति दां थुगु झां कया ।  
 सफुलि न्या वनिका बुत दां धका ॥  
 कमस्वतं जुलसं छपला धका ।  
 हरिविलास मस्सं व जुषा धका ॥

जुलस पाप व छल् अधिकं दया ।  
 हलुक या मनुखं थव जुवा धया ॥  
 सिल थव खं वन जा च्वन झां कया ।  
 हरिविलास मच्चं व जुले स्वया ॥

इति श्री सिद्धिदास अमात्य विरचितसंवादे  
 हरिविलाल जुवा मस्तु नाम  
 द्वितीय सर्ग ॥२॥

## धर्मात्मा कृष्ण

छन्द शालिनी

न्यो न्हां श्यामं ! बांलकं मन् तया का ।  
जीनं स्यूगू बांलकं खं वया का ॥  
ओलं लुम्ना आ थथें का थनं का ।  
धर्मात्माहं कृष्ण धाहं छहं का ॥

कान्तीपूरे जिं खना का वनं का ।  
ब्रम्हं ज्ञानी पाप या वं मखं का ॥  
सोभा जिं स्वे पापि छाँतं मखू का ।  
कृष्णं धाम्हं जिं दु सीया मनु का ॥

त्याना है वं मट्ट बी नं यनीम्हं ।  
 हेका हीका वं मसंका भती नं ॥  
 छुं हे लोभं यां मयाम्हं मनू का ।  
 कृष्णं धाम्हं धर्म धाम्हं मनू का ॥

प्राणी धाको हीत या वं मनं का ।  
 मानं या वं मां व बौ ओ निम्हंया ॥  
 सोम्हा सीधा जिं स्वये ओ मनू का ।  
 कृष्णं धाये धर्म धाम्हं मनू का ॥

कस्यी दोषं कं मखं जिं गनं का ।  
 चुक्ली याये धां मधा वं गनं का ॥  
 न्याये तोता ज्या जि सं नं मजू का ।  
 कृष्णं धाये धर्म धाम्हं मनू का ॥

पापी धाको संगतं वं मया का ।  
 जू जा गळें ल्वाय ओनं मधा का ॥  
 धर्म सदां न्हेचिलीम्हं मनू का ।  
 कृष्णं धाये धर्म धाम्हं मनू का ॥



लोकां योका पाप वोनं मया का ।  
 पापीयागू ख्वा मसो वं वना का ॥  
 धर्म बाहेक् मेगु वं ज्या मजू का ।  
 कृष्णं धाये धर्म धाम्हं मनू का ॥

अन्त्याये नं ज्या मसं न्हं वनं का ।  
 क्रोधं गळें यां मया तच्च्वकं का ॥  
 ज्याजी याये अल्लिस गळें मजू का ।  
 कृष्णं धाये धर्म धाम्हं मनू का ॥

स्यागू खं वं मेपिनी नं थओ थं ।  
 धर्मात्मा ओ जिं स्वये जा खओ थें ॥  
 कीर्ती आपा जिं स्वये न्हं वया का ।  
 कृष्णं धाये धर्म धाम्हं धया का ॥

कर्कर्या हीतं या जुई न्हं वनं का ।  
 दानं या ज्वी अन्न आदी वनं का ॥  
 ज्ञानं कं ज्वी हीत जूगू मनूया ।  
 कृष्णं धाये धर्म धाम्हं मनू का ॥

नेना जूका शास्त्र आदी अनेगु ।  
 संगत् ओया ज्ञानिणि हे खनेदु ॥  
 जिं जा वैतं पापि धाये मफू का ।  
 कृष्णं धाये धमे धाम्हं मनू का ॥

आत्मज्ञानं स्यू वनं जा न्यना का ।  
 प्राणी धाको मित्र या वं स्वया का ॥  
 ईश्वर्यातं खंहा ओ हे मनू का ।  
 कृष्णं धाये धमे धाम्हं मनू का ॥

इति श्री सिद्धिदास अमात्य विरचित संवादे  
 धर्मात्मा कृष्ण नाम  
 तृतीयो सर्ग ॥३॥

## पापी मूर्खचा

रवामः—

छन्द शालिनी

दाजू रामं !, न्यो छनं जिं कने का ।  
सीसां ज्युम्हं कं दुम्हं का मनेसं ॥  
कस्ती थें च्वं सो म्हुतू जा वया का ।  
माहापापी मूर्खचाया खँ आ का ॥

खंका जीनं कान्तिपूरे व इनं का ।  
पापीया छँ भेल जालं दुम्हं का ॥  
सिर्त्ति काम्हं कर्पिनीगू धनं का ।  
म्वासा सीम्हं मूर्खचा का छम्हं का ॥

त्यानागू धन् बीय स्वाका वलं का ।  
 माहाभेली ओ अती पागलं का ॥  
 सी हे स्वा थें वं सनं का स्वया का ।  
 पापी धाये मूर्खचा जिं स्वया का ॥

स्वासां स्वासां ल्वापु या नं जुलं का ।  
 सीबं घाका छोइ थें ता वनं का ॥  
 ओ थें लोभी दैमखू जिं धया का ।  
 पापी धाये मूर्खचा जिं धया का ॥

सत्ये धैगू भ्याक वैके मदू का ।  
 ज्ञानं वैके भिंगु छुं हे मदू का ॥  
 संगं ओया भिं मदू न्हां स्वया का ।  
 पापी धाये मूर्खचा जिं धया का ॥

वृत्ती जों ज्वी लोक सेनी छु यासा ।  
 खिं नं पोंगां प्वी थमं हे स्वया का ॥  
 मेपिं स्यंसां यायगू ज्या वया का ।  
 पापी धाये मूर्खचा जिं धया का ॥

न्याना नैम्हं सागु वस्तू थमं का ।  
 नैका थमनं बी मधा भीत नं का ॥  
 वैके बुद्धी छुं मदू जिं स्वया का ।  
 पापी धाये मूर्खचा जिं धया का ॥

कीर्ती आपा याय धाला वनं छुं ।  
 वध्यें ज्याम्हं दैसखू का थनं सुं ॥  
 नकं ओनी ओ मनू जिं स्वया का ।  
 पापी धाये मूर्खचा जिं स्वया का ॥

हथ्याहारी रीस आपा वयाके ।  
 क्षेमा धर्म भ्या मदू न्हां वयाके ॥  
 सी हे मा जी न्हां मधागू खना का ।  
 पापी धाये मूर्खचा जिं स्वया का ॥

कक्या चर्चा दू अपाछं वयाके ।  
 ल्वाके लीके बुद्धि थो दू वयाके ॥  
 छाये बूगू थो मनू जिं धया का ।  
 पापी धाये मूर्खचा जिं स्वया का ॥

आत्मज्ञानी ओ मखू जिं स्वया का ।  
 कर्पिं स्योंके दू मती न्हां वया का ॥  
 भक्ती ओ जा ज्वी मखू जिं स्वया का ।  
 पापी धाये मूर्खचा जिं स्वया का ॥

गभं धिक्कामामयागू वया का ।  
 सीसां ज्यूका बालखे हे भव जा का ॥  
 व्यर्थ जन्मं जूगु जिं ओ धया का ।  
 पापी धाये मूर्खचा जिं स्वया का ॥

इति श्री सिद्धिदास अमात्य विरचित संवादे  
 पापी मूर्खचा नाम  
 चतुर्थ सर्ग ॥४॥

## सज्जन धन

तोटक छन्द

अति मन् थिरनं थन रामन न्योँ ।  
खँ कने जिन वैगु थनं छिन न्योँ ॥  
सतसंगत नं जिन जा सिल का ।  
अति सज्जन का धन धाह्य ब का ॥

जिन कान्तिपुरे खन सज्जन का ।  
जुल नां वइगू धन धाह्य धका ॥  
अति ज्ञानि व धर्म दुम्हं व मनू ।  
करपि फुक्यतं वन जा स्व मजू ॥

परया उपकार मतोतु बनं ।  
 थव हे स्यनिगू जुलसान हनं ॥  
 स्वव चंदन चुंथन वास मफू ।  
 अति सज्जन का धन धाह्य मनू ॥

घुचुकी वल चंदन वास धका ।  
 गुलि न्ह्यो उलि सा तु धका कन का ॥  
 बरु सी स्यनि सज्जन जा व मखु ।  
 अति सज्जन का धन धाह्य मनू ॥

गुलि छू उलितं लुँ भिना वल का ।  
 च्वनि सज्जन सीगु व्यला तक का ॥  
 थवगू धरमं वन तोति मखु ।  
 अति सज्जन का धन धाह्य मनू ॥

गुलि सज्जननं गुण झां बिल का ।  
 थन सज्जननं गुण झां बिल का ॥  
 दुरु त्वंहा बिनं सुख व्यूगु मदु ।  
 अति सज्जन का धन धाह्य मनू ॥



मतिलं स्व तिसां वन लुं वहया ।  
 करक्या उपकार तिसा स्व वया ॥  
 स्वव सागरया ह्यह्य रत्न मदु ।  
 अति सज्जनका धन धाह्य मनू ॥

मत्वनं खुसिनं धमनं तु व लः ।  
 स्वव वृक्षन फल्फुल जा मनल ॥  
 थुलि सज्जननं स्व मधाइ मखु ।  
 अति सज्जन का धन धाह्य मनू ॥

नइ सिंहन सो मृग मातु जुया ।  
 नइ जा मखु घाँघे पित्याकं जुया ॥  
 दुखसां वन धर्म मजोनि मखु ।  
 अति सज्जन का धन धाह्य मनू ॥

जुइ सो व उथ दथुसं सिधसं ।  
 नइवसं जुइ सज्जन का स्व समं ॥  
 गुलि दा गुलि लू व लुं स्यंगु मदु ।  
 अति सज्जन का धन धाह्य मनू ॥

थव अंजलिसं दुगु स्वान स्वका ।  
 व नस्वात व लहानिगुलीसन का ॥  
 सन ज्या थननं अननं सुखगू ।  
 अति सज्जनका धन धाह्य मनू ॥

करक्या उपकारगु बोलि वया ।  
 भिन या वन जा थन शास्त्र स्वया ॥  
 वन चिन्तन ब्रह्म मयाह्य मखू ।  
 अति सज्जन का धन धाह्य मनू ॥

इति श्री सिद्धिदास अमात्य विरचित संवादे  
 सज्जन धन नाम  
 पंचम सर्ग ॥५॥

## दुर्जन गुणदास

तोटक छन्द

थन श्याम ! छनं जिगु खं भति न्योँ ।  
अति दुर्जन म्हं गुणदास व सो ॥  
जिन छन्त कने वइगू खँ छता ।  
छन बाँलक न्योँ मन चक्कनका ॥

ललितापुरसं दु व दुष्ट छम्हं ।  
करपि स्यनसा अधिकं यलम्हं ॥  
वथनं कइ थें न्हिनछी कइम्हं ।  
अति दुर्जनम्हं गुणदास छम्हं ॥

थव दोँ दुगुसा खनि तू व समं ।  
 द्वनि कर्पिनि का खनि ब्या व समं ॥  
 थवगू पुइतो म्यबया उलिम्हं ।  
 अति दुर्जन का गुणदास छम्हं ॥

करपिं गन ल्वावनि हर्ष बया ।  
 गन ल्वा मवनी मदु सुक्ख बया ॥  
 मनसें खि व फां मफु थें स्व थनं ।  
 अति दुर्जन का गुणदास छम्हं ॥

ब भयानक का गुण ज्ञान दुसां ।  
 बि खना गथ्य ग्या मणि वैक्ख्य दुसां ॥  
 फुकयां जुल कं थनसं व छम्हं ।  
 अति दुर्जन का गुणदास छम्हं ॥

वन छुं मसिलं खवयागु नपं ।  
 मखु यात धका च्वनका स्व वनं ॥  
 त्वनका दुरु वं बि लहीगु समं ।  
 अति दुर्जन का गुणदास छम्हं ॥

मभिनं बि व थो निहा दुर्जन का ।  
 भिनका बरु बी मखु दुर्जन का ॥  
 बिन न्या छन्हु का बन न्या निहथनं ।  
 अति दुर्जन का गुणदास छम्हं ॥

अति दोष बया मनुषं स्त्रन का ।  
 अति गन्ध बया च्वन का खि ब फा ॥  
 गुण झां मदुम्हं उह्य सीझ समं ।  
 अति दुर्जन का गुणदास छम्हं ॥

अति भिगु खँ नं मनिनं स्व बया ।  
 जित वं फुकिला धक ग्याय व मा ॥  
 म्य च्वकास चिनी नुगले बिखम्हं ।  
 अति दुर्जन का गुणदास छम्हं ॥

मछत छगलं उपकारस दां ।  
 मुजकं मुनका अधिकं बन दां ॥  
 जुश ओ खुन नेगु धनं ब हनं ।  
 अति दुर्जन का गुणदास छम्हं ॥

अति बान दु ख्वा स्वय नं वड्गु ।  
 म्हुतुसी तल चन्दन थें स्व उगु ॥  
 नुगले दत कं बड्के थनसं ।  
 अति दुर्जन का गुणदास छम्हं ॥

तय नं मजिलं उझ न्ह्योन्यस का ।  
 ब निपां चुलसां पसु धाय व का ॥  
 चिकिधंक थनं दुख बीफु वनं ।  
 अति दुर्जन का गुणदास छम्हं ॥

इति श्री सिद्धिदास विरचित  
 षष्ठ सर्ग ॥६॥

## मनदास मूर्ख

छन्द सुखद

थन जि कन्यका छन श्याम ! न्यना का ।  
अति मूर्खहा का मनदास धका का ॥  
छहा दू स्व मनू जिन जा व सिया का ।  
अति दील बिया छन न्योँ थन आ को ॥

ललितापुरसं दुहाम्हं अन जा सो ।  
वति मूर्ख मनू मखनं थन जा सो ॥  
भ्यतले कयका थवतंतु किका च्वं ।  
मनदास धयाहा स्व जि अन जा खं ॥

मसिलं वन शास्त्र धका छगुली आ ।  
 मतलं वन जा सफुली छगुली आ ॥  
 मखनं थन कांछन न्हाकान आ का ।  
 अति मूर्खह का मनदास स्वया का ॥

अभिमान अती वन या थनसं का ।  
 म्हुतु ल्हा वन मन्परि नं हकनं का ॥  
 मदु मेल वया सु छम्हं थव स्वया का ।  
 अति मूर्खह का मनदास स्वया का ॥

वचनं वङ्गू विष थं जुल का आ ।  
 मसिलं वन छुं थव धाव मधा का ॥  
 पसु थें जुल का थव मनू खँ स्वया का ।  
 अति मूर्खह का मनदास स्वया का ॥

उपदेश बियां गन का वन आ का ।  
 रिस जा वन या बिल ज्ञां गन धा का ॥  
 दुरु तोंक्यगु बिं विष काय धका ला ।  
 अति मूर्खह का मनदास स्वया का ॥



बरु भी वनसं मृग व्याघ्र नपं का ।  
 जुय ज्यू अनसं तु हिला सुमुकं का ॥  
 उद्य मूर्ख नपं मजिलं जुय आ का ।  
 अति मूर्खद्व का मनदास स्वया का ॥

फुसुल्ल गुगु सार मद उगुया का ।  
 भर का जुय नं मजिलं थ्व स्वया का ॥  
 नमस्वा गुगु स्वां व सुनां हकि धा का ।  
 अति मूर्खद्व का मनदास स्वया का ॥

कुल जा तवधं अति बां दु वया का ।  
 मसया वन आखल वान मला का ॥  
 मलए बुल पं उगु चंदन धा ला ।  
 अति मूर्खद्व का मनदास स्वया का ॥

अभिमान तनी गुगु शास्त्र स्वया का ।  
 मुरखं मन्वना पितका अभिमान् का ॥  
 न्हिनसं भुलुखां गन खं दु स्वया का ।  
 अति मूर्खद्व का मनदास स्वया का ॥

जुजुया महसुल् वन खूँहा जुया का ।  
 वन जा फुकलं हक माल स्वया का ॥  
 महसुल् मबिया जफतं फुक याका ।  
 अति मूखँहा का मनदास स्वया का ॥

जुल मां बबु शत्रु वया थ्व स्वया का ।  
 झितका तल बालखसं मसया का ॥  
 बलका वन मूख जुया थन जा का ।  
 अति मूखँहा का मनदास स्वया का ॥

इति श्री सिद्धिदास अमात्य विरचिते संवादे  
 मनदास मूख नाम  
 सप्तम सर्ग ॥७॥

## ज्ञानि पद्म

छन्द सुखद

छिन न्यो थन राम ! हनं खँ कने का ।  
अति ज्ञां दुह्य नं व मनू जि मने का ॥  
स्वय नं हिसि दू अति चक्कन का ओ ।  
उह्य पद्म धका सियकी छिन का सो ॥

खन जिं थन कान्तिपुरेस छम्हं का ।  
अति ज्ञां गुण नं परिपूर्णह्य नं का ॥  
फुक लोकन यो अधिकं व भिना का ।  
थन जिं उह्य पद्म धयाह्य खना का ॥

मखु मूर्ख व पण्डित का व स्वया का ।  
 गुण नं परिपूर्णह्य का व सया का ॥  
 अति यो मखु मूर्ख धका उह्य सीका ।  
 अति ज्ञानि व पद्म धका जिन सीका ॥

कुलिनं मखुसां व सयाव विद्या का ।  
 मखु कुल् तवधं वङ्गू स्व धया वा ॥  
 तल वैत स्व मान थनं व ह्यसीका ।  
 अति ज्ञानि व पद्म धका जिन सीका ॥

श्रम वं सिल का थन पंडितया का ।  
 वन ज्ञां दयका सिल का थुगु ज्या का ॥  
 मदुसा व मचा व मिसां दुख सीला ।  
 अति ज्ञानि व पद्म धका जिन सीका ॥

न्यन वं छुछु कं वन फुक्क नका सो ।  
 ज्वन वं गुलि ज्ञां भिनगू उलि का सो ॥  
 हँसनं दुरु त्वं लखसं फुक सीका ।  
 अति ज्ञानि व पद्म धका जिन सीका ॥

गन बं अनसं तल मान तया का ।  
 फुक शास्त्र सया फुकयां बल धा का ॥  
 जुजु जा बिद्यसे गन मान तल सीका ।  
 अति ज्ञानि व पद्म धका जिन सीका ॥

वन जा ज्वन का व नितां थनसं का ।  
 गुण दोष नितां वन जा खुसिनं का ॥  
 तल दोष ककी गुण छैलस सीका ।  
 अति ज्ञानि व पद्म धका जिन सीका ॥

दत का विनये गुण नं थव निता का ।  
 उकिनं व धका मनुखं मन याका ॥  
 मणि ल्वीं थुन सा व सुनां मस्वयी का ।  
 अति ज्ञानि व पद्म धका जिन सीका ॥

फुक शास्त्र स्वया वन या स्व क्रिया का ।  
 उद्द मूर्ख थनं मखनं जिन जा का ॥  
 मनसे गन वासल रोग बनी का ।  
 अति ज्ञानि व पद्म धका जिन सीका ॥

दत्त सत्य वया अधिकं जिन खंका ।  
 अति भिगु स्वभाव व ज्ञां दुह्न नं का ॥  
 तप या वन सो थुगु भिं धक सीका ।  
 अति ज्ञानि व पद्म धका जिन सीका ॥

वन सां तुति खालि न बां दत्त का ओ ।  
 गल सां किसि मूढन बां मदु का ओ ॥  
 जुजु-है सम को गन ज्वी स्वय सीकी ।  
 अति ज्ञानि व पद्म धका जिन सीका ॥

अष्टम सग ॥८॥

## धरनिधर लेख बांला

छन्द मालिनी

धरनिधर धयाह्मं च्वेगुली पास वंह्म ।  
थनस जिन कने का न्योँ किजा श्याम ! छं खँ ॥  
अधिक चतुर चंखं च्वेगुली न्हां व नं का ।  
जिन भति वइगू स्यू लेख बांलागु नं का ॥

भगतपुरस जिं खं बुद्धि ओ झां दुह्मं का ।  
अधिक धरम धाह्मं लोकया योह्म नं का ॥  
च्वयगु अधिक गूणं धाय फूम्हं व नं का ।  
धरनिधर धयाह्मं दू मनू नं छह्मं का ॥

च्वयन फु व चलाकं छाँत वंका अधीकं ।  
 ग्वल ग्वल अधिकंची मोति चों थें व थीकं ॥  
 मदु मदु अति दोंगू आखलं चोगु नं का ।  
 धरनिधर अधीकं च्वेगुली पास वं का ॥

अलसि मजुल चोए न्हाबलेसं व नं का ।  
 बियगु व थव काए चो व नं बाँलकं का ॥  
 छग्वल मजुल भ्रान्ती बोन्यतं आखलं का ।  
 धरनिधर अधीकं चोयगू जा सलं का ॥

इजत मवन ओया च्वेगुली आखलं का ।  
 थवगु कलम म्वाका आखलं च्वेत नं का ॥  
 गुगु दत उगुलि हे आखलं च्वै व नं का ।  
 धरनिधर अधीकं च्वेगुली पार वं का ॥

कलम अधिक च्वाका आखलं च्वैबले का ।  
 मदु मदु भति दोंगू आखलं स्वेबले का ॥  
 च्वइ वन फुक छाँतं घोप्य छेकें व थादो ।  
 धरनिधर अधीकं च्वेगुली जू व पाको ॥



च्वयगु इलम मज्जा न्हां धका वं कनं का ।  
 गन वन असं जा दां दयेकी वनं का ॥  
 भुलि धक जित कं वं जि न्यमाओ स्वया का ।  
 धरनिधर धका ओ मानया च्वे सया का ॥

सफुलि च्वय फु आहा बांलकं शुद्ध ज्वीकं ।  
 गुरुगु सफुलि च्वथें चो वनं जा स्व श्वीकं ॥  
 छगल छगल बोना श्वीक्य धुंका च्वई का ।  
 धरनिधर समानं च्वे सुनां जा सईका ॥

च्वयगु किरति ओया दू अपालं स्वया का ।  
 च्वयगु लुमनिगू खं वं सिया ओ च्वनं का ॥  
 ततपर अति च्वेतं चो कलम् नं वया का ।  
 धरनिधर व च्वेतं चंख न्हां जि स्वया का ॥

करपिनि खन लेखं भ्रान्ति चोगू अनेगु ।  
 खन व हकन बांला प्रष्ट चोगू अनेगु ॥  
 उकिन दत व ज्ञानं बांलकं च्वे धका का ।  
 धरनिधर जुलं का आखलं च्वे धका का ॥

श्वयगु सल अनेगू आखलं जा वनं का ।  
 थुगु जक मसलं का धाय म्वालं वनं का ॥  
 सरस्वतिन यलं का जि स्वए जा वनं का ।  
 धरनिधर अधीकं श्वेगुली पास वं का ॥

श्वयगु व मजुलं का अलिस ओनं सदा नं ।  
 उकिन बल वयाके तेज नं जा अपालं ॥  
 श्वयन श्वनि खँ नं का बुद्धि ओ ज्ञान नं का ।  
 धरनिधर अधीकं ज्ञानि खं का जिनं का ॥

इति श्री संवाद  
 नवम सर्ग ॥६॥

## लेख बांमला धनविर

छन्द मालिनी

थनस भति खँ न्यों ला दाजु राम ! छिनं का ।  
च्वय मफु छगलं का आखलं बांलकं का ॥  
छह्ण दुह्ण जिन सीया छीत न्योंके जिनं का ।  
धनविर धक धाम्हं दू मनू न्हं छम्हं का ॥

ललितपुरस खंका जिं छम्हं जा मनू का ।  
धन जक मदु वैके सांत क्रोधी मजू का ॥  
तमसुक वन चोया दाम त्यायेत ओनं ।  
च्वयमफु वन नामं वं सहीका छकोलं ॥

थर थर अति खाका आखलं च्वेव लाहा ।  
 सहि धक मफु चोये नां छगू का स्वया का ॥  
 च्वत तव तक धासां बेकलं जूवनी का ।  
 धनविरन मफू का आखलं च्वे खनी का ॥

सफुलि च्वय धका ओं चोवनं का छको का ।  
 स्वयन मजिल आहा ! दों फुकं वं च्वको का ॥  
 नत धक मफु सीके भ्रांतिका आखलं का ।  
 धनविरन मफू का आखलं च्वेगु ' का ॥

चिठि च्वत वन सो सो धंग रंगं मदू का ।  
 लिपि न मजिल स्वे हे आखलं स्वे मज्यू का ॥  
 गनन मदु व विन्दू रेफ नं जा बिरे जू ।  
 धनविरन मफू का आखलं सो च्वयेगू ॥

मवन मवन छाँतं आखलं न्हां वया का ।  
 मफुत मफुत मेवं बोन्यगू न्हां कया का ॥  
 मजिल मजिल लेखं वैगु सोयेगु नं का ।  
 धनविरन मफू का आखलं च्वेगु नं का ॥

च्वय मफु वन धादो घोपत्य छेक थ्व फै का ।  
 मफुत वन चलाकं चोयगू वं छु फै का ॥  
 स्वयन मजिल वैगू आखलं का द्रगो का ।  
 धनविरन मफू का आखलं चोय थो का ॥

मनस गुगु लुलं का चोइका आखलं का ।  
 करपिनि लिपि सोया च्वे मधा का वनं का ॥  
 च्वयगु अति गुणं का धां मधा वं मनं का ।  
 धनविरन मफू का आखलं चोय नं का ॥

व्यरथ वनि जि कालं लेख बोने मजीवं ।  
 मनस भति मवं का बालकं च्वे थ्व जीकं ॥  
 च्वय धक मन याम्हं ओ मनू जा मखू का ।  
 धनविरन मफू का बालकं चोयगू का ॥

च्वय जक सल धासा वं मखं थो इलम् का ।  
 अलसि अति व च्वेगू वं ज्वनेगू कलम् का ॥  
 गन फइ वन चाये आखलं बालकं का ।  
 धनविरन मफू का ज्ञान नं थो स्वया का ॥

च्वयगु सल जि धासा कीर्ति चोनी धका का ।  
 मनस मदु वया का चां न्हिनं हे स्वया का ॥  
 च्वय जक फत धासा न्ह्यागु खं भि धका का ।  
 धनविरन मखं का ज्ञान नं थो स्वया का ॥

च्वय जक सल धासा ज्ञान काये फईगु ।  
 लुमनि खँखिँ फुकं का ज्ञां दयाओ वईगु ॥  
 मखन वन मनं जा ज्ञान वैक्ये मदू का ।  
 धनविरन मफू का आखलं चोयगू का ॥

ईतिश्री संवादे दसम सर्ग ॥ १० ॥

## उद्योगी शिवनर

शार्दूलविक्रीडित छन्द

न्यो न्हां श्याम किजा ! जिनं थन कने उद्योगि सो ज्ञां दुह्य ।  
सुम्कं घौछि मचों व न्हिच्छि गननं ज्या हे सनी का उम्हं ॥  
नेना जीन तथा वयागु खँ छता ओलं लुमंसे हनं ।  
ओया नाम जुलं धका शिवनरं लोकं सिलं का ध्व खं ॥

छन्द शिखरिणी

दुका कान्तीपूरे शिवनर धयाम्हं छम्ह मनू ।  
अधीकं उद्योगी सुमुक भति चोने वन मफु ॥  
छता ज्या यानाओ छ्वा वन स्व कालं न्हिनछिया ।  
उकिं ओ लक्ष्मीवान् जिन उम्ह मनू दू थन सिया ॥

च्येगू बोनेगू सल वन स्व ल्याखं व सकतां ।  
चलाकं का ज्यासं सुमुकन मचों का वन सदां ॥  
वनं खंका कालं थुलि वन स्व व्यर्थ धक मनं ।  
मखं जि उद्योगी शिवनर समानं छम्ह थनं ॥

थुगू काले थो ज्या जुइ धक स्व ज्ञानं दुम्ह व का ।  
मचों का गळें हे सुमुक वन अलसी जुल धका ॥  
छता ज्या जोनाओ निहनछि वन चोनी सुमुकनं ।  
मखं जि उद्योगी शिवनर समानं छम्ह थनं ॥

सिधै उद्योगं ज्या मनरथन ज्या नं गन सिधै ।  
च्वना च्वंसा सिधं किसि गन खनी का व सतिले ॥  
धका धालं ओनं सुमुकन फुईका मिइ धका ।  
मखं जि उद्योगी शिवनर समानं छम्ह धका ॥

विदेशं ओना ओ वन खन कमाई दइगु नं ।  
दयेके फू चीजं बन सल अनेगू थन जुलं ॥  
इलम् दू का ओया अधिक उम्ह चंखं जिन खनं ।  
मखं जि उद्योगी शिवनर समानं छम्ह थनं ॥



थओ ज्या तोता वं करमन नकी का जित धका ।  
 सिलं हामो स्युसा जक वइगु खंका चिकम का ॥  
 सदानं उद्योगी अलसिम मजू का छम्हु धका ।  
 मखं जि उद्योगी शिवनर समानं छम्ह धका ॥

कुम्हालं चाहीका छिउ खन व गोपं छकलनं ।  
 उकिं ज्ञानं कागू सुमुकन मजू ज्या खन वनं ॥  
 उद्येमं लक्ष्मी वै अलसिन अलक्ष्मी वइ धका ।  
 मखं जि उद्योगी शिवनर समानं थनस का ॥

बनं धागू मेना अलसि छम्ह भूतं जित पुना ।  
 जिनं ज्या तोताओ सिमधल व आ नं मस्तु व का ॥  
 मदू दाजू कीजा उम्ह सम स्व भीतं धक कनं ।  
 मखं जि उद्योगी शिवनर समानं छम्ह थनं ॥

भुमी खानी खंसां मजिल उगु काए सहजनं ।  
 कुलि पाला म्हुया अधिक यतनं ओष हकनं ॥  
 उकिं आगू धातू धक कन वनं का छकलनं ।  
 मखं जि उद्योगी शिवनर समानं छम्ह थनं ॥

बुना चोंगू जा हे नयत अति थाकू मपुक का ।  
 नये मा पूयाओ फुड फुड म्हुतूनं अनस का ॥  
 कयाओ येनेमा सुमुक अन ल्हाति नयत का ।  
 मखं जि उद्योगी शिवनर समानं थनस का ॥

इमू ओना चोंम्हं लिफिइ अन घूम्हं गरुडका ।  
 मचाये अल्सी नं न्हिनछि वन धागू थनस का ॥  
 इखुंचा कयोंका ओं गुलि इलमदारं उम्ह धका ।  
 मखं जि उद्योगी शिवनर समानं छम्ह धका ॥

इतिश्री सिद्धिदास चिरचित संवादे  
 उद्योगी शिवनर नाम  
 यकादस सर्ग ॥ ११ ॥

## अलसि हरिहर

छन्द शार्दूलविक्रीडित

दाजू राम ! छिनं न्यनादिसँ थनं न्योके हनं खं छता ।  
अत्सी हइ जुया छु याय मफुम्हं ज्ञानं मदूम्हं छता ॥  
स्वां स्वां स्वास तया च्वना जक वनं कालं हनं का थनं ।  
ओलं का लुमना हरीहर धका नामं उम्हंया खँ नं ॥

छन्द शिखरिणी

दुका कान्तीपूरे हरिहर धयाम्हं उम्ह मनु ।  
मयासें ज्या छुं नं नय दइ धका चोम्ह व मनु ॥  
तए है कर्म धा न्हिनछि नय तीतं जित धका ।  
जुयाओ अत्सी वं इलम वन छुं हे थन मया ॥

चक्षुःश्रोत्रं सुमुखं वं जित नय दई धा वन मर्ज ।  
 मर्ज का वं छुं हे इलम जिन याये धक मर्ज ॥  
 मर्ज वं दुःखं का सुमुख जक चौसां जुष्ट वया ।  
 अती अलसी धाये हरिहर धयाम्हं जिन धया ॥

मधु ज्ञानं वैके अलसि जक जूया वन सदा ॥  
 सफूली बोनेगू मधु मनस ओया थन सदा ॥  
 छटा ज्या हे यागू धक वन मर्ज का जिन स्वया ।  
 अती अलसी धाये हरिहर धयाम्हं जिन धया ॥

मज्जूका उल्लोगी स्वयनप मज्जूका म्हुम्हि वया ।  
 च्वसा थासं अथें अजिगर च्वनी थें च्वनि वया ॥  
 अधीकं न्ह्यो ओ का इकुइकुन व्वाई न्हालन का ।  
 अधीकं अलसी का हरिहर धयाम्हं जिन धया ॥

भसेसानं चों ओं करमन नकीका जित धया ।  
 मर्ज वं हाम्मो स्यू चिकम पितकाये जिन धया ॥  
 महपापी धाए अलसि जक जूयं जनमया ।  
 अधीकं अलसीका हरिहर धयाम्हं जिन धया ॥

सदानं रोगी का अलसिन तुतीस्या जिगु धका ।  
 गनं ज्या जी ओने मन मतल तापा अन धका ॥  
 सने का ज्याजी जिं धक वन मधा का मन तया ।  
 अधीकं अलसी का हरिहर धयाम्हं जिन धया ॥

असिद्धी ओया ज्या अलसि जक जूया वन सदां ।  
 च्वना थासं च्वाकं वन मदन का ओ जिन स्वयां ॥  
 भुतं पुंगू ओनं मसिल जित अलसी धक धया ।  
 अधीकं अलसीका हरिहर धयाम्हं जिन धया ॥

कुम्हालं चाःहीका दयकुगु मखं थें वन स्वया ।  
 इखुं चाया सो ओं दयकुगु मखं थें वन वया ॥  
 मजू ओ उद्योगी करपिनिगु उद्योग् वन स्वया ।  
 अधीकं अलसीका हरिहर धयाम्हं जिन धया ॥

कमाई यायेतं धकधक जुलं का वइत का ।  
 मदू वैके ज्ञानं मयल थन वैतं अधिक का ॥  
 सुया यो दू अलसी सुमुक जक चोना च्वनिम्ह का ।  
 अधीकं अलसीका हरिहर धयाम्हं जिन धया ॥

भरोसां कक्यागू च्वन वन सदानं नकि धका ।  
 मसं सांछुं ज्या नं दु ख सिइ मखू न्हां जिन धका ॥  
 थुजोगू झां ओया अलसिन नये धा मन तथा ।  
 अधीकं अलसीका हरिहर धयाम्हं जिन धया ॥

जुयाओ अलसी नं नल वन ... बलसी थनस का ।  
 दया वैगू कर्म गनत सन ज्याजी मनन का ॥  
 लिपा जन्मं जूई अति दुखि जुयाओ थन वया ।  
 अधीकं अलसीका हरिहर धयाम्हं जिन धया ॥

इतिश्री सिद्धिदास विरचित संवादे  
 द्वादस सर्ग ॥ १२ ॥

## दरिद्र दास

छन्द शिखरिणी

छिनं न्यो न्हा रामं! जिन थन कने का खँ छगुली ।  
स्वयेनं घच्चैपू न्हिनछि घसपूम्हं थव पुली ॥  
जुयाओ अल्सी नं धन फुक फुकाओ च्वनम्ह का ।  
खना जिं जा ओ सो अति दुखिम्ह दासं धडम्ह का ॥

छन्द शार्दूलविक्रीडित

खंका जिं थव छम्हं स्व निर्धनि मनू थोकान्ति पूरेस का ।  
नोनं तू व मदू धनी व मजुया मानं मया वैत का ॥  
यो नं सुं मदु का हिंसी न मदुका पात्रं मखू धा व का ।  
द्रव्यं हीन जुया स्वयेन मजिलं ओ हे छम्हं दास का ॥

लंनं फी मफु का मगूक छजु लं हीया हनं बालकं ।  
 तुप्लि गू हकनं स्वयेन मजिलं प्याहाँ बलं खं दकं ॥  
 फगूमू जि मखनं मुचूक छजु लं धिक्कावया जन्म का ।  
 ब्रव्यं हीन जुया स्वयेन मजिलं ओ हे छम्हं दास का ।

साहू दू स्व वया पुले मफु ऋणं याये मफू लाभ ओं ।  
 ब्याजं पू बन जा सछी व निसलं नेना जिनं कं वनं ॥  
 बाये ओं मफुका छगू इलम नं न्हिछी न्हिछी मु क का ।  
 ब्रव्यं हीन जुया स्वयेन मजिलं जीनं खनं दास का ॥

त्यां ब्रंसां मखिलं मद्मह व जुया नैला जिगू धन धका ।  
 लाभं ज्वीगु खं नं पत्यार मजुलं धागू धव नं खै धका ॥  
 लं नं धुनु जुया स्वयेन मजिलं वैगू मयोका व का ।  
 ब्रव्यं हीन जुया स्वयेन मजिलं ओ हे छम्हं दास का ॥

जि जा मूखं खना अधीक उम्ह जा वं जा मफू धन मुने ।  
 लाये लुं मदया सने मफु वनं लावं ब मं मं कुने ॥  
 खच्चं याय अपा स्व लाभ मतिचा फूगू उकिं नं वया ।  
 ब्रव्यं हीन जुया स्वयेन मजिलं ओ हे छम्हं दास का ॥



माहा अल्सी व जा छु ज्यान मवसें कर्म नके है धका ।  
 छेसं चोनि व जा छु ज्यान मवसें गुग् जोम्ह मूर्ख व का ॥  
 चानं न्हीन म्हिता न्हिजा छुइ वनं धन् दै गनं वैत का ।  
 द्रव्यं हीन जुया स्वयेन मजिलं ओ हे खना दास का ॥

विद्यां छुं मसलं अतीव मुरखं ओया गनं धन् दई ।  
 विद्या बोंगु दुसा वनं खनि धनं उद्योग नं का दई ॥  
 उद्योगी मनुया फुतं व सहजं सीके मफू धन् थ्व का ।  
 द्रव्यं हीन जुया स्वयेन मजिलं ओ हे छम्हं दास का ॥

ज्या नं छुं मसलं कमाइ मदु का माले मफू ज्या वनं ।  
 त्याना नै वन सो कन्हे बिइ धका हेकाव कर्पित नं ॥  
 चोने नं मफुका छथास वन जा साहू थनं वै धका ।  
 द्रव्यं हीन जुया स्वयेन मजिलं ओ हे छम्हं दास का ॥

निनिंगू गन नै नयेगु न वनं दामं मदू झां मदू ।  
 पीत्याना न्हिनछी नयेन मखना सोये मफू वं सफू ॥  
 धिक्कार्जन्म वया मनू जुवगु नं धन् नं फुका चांम्ह का ।  
 द्रव्यं हीन जुया स्वयेन मजिलं ओ हे छम्हं दास का ॥

दानं याय मफू स्व अन्न छगलं दामं धका ओ छदां ।  
 कीर्ती छुं मदु का थ्व लोकस वया वैके मदू का छदां ॥  
 स्योका चोन वनं थ्व लोक परलोक् याये मफू दान का ।  
 द्रव्यं हीन जुया स्वयेन मजिलं ओ हे छम्हं दास का ॥

घन्दे दां तवधं व दाम मदया ओबो जुलं ओ स्व का ।  
 पापी नं जुल ओ असुद्ध जुल का ओनं फुका दाम का ॥  
 सीम्हं हे जुल का थ्व लोकस अहो स्वाम्हं मखू धाल का ।  
 द्रव्यं हीन जुया स्वयेन मजिलं ओ हे छम्हं दास का ॥

इति श्री सिद्धिदास विरचित संवादे

त्रयोदस सर्ग ॥ १३ ॥

## धनीराम

छन्द शिखरिणी

किजा श्यामं ! न्यो का थन जिन कने का मन तथा ।  
अधीकं दाताम्हं धन अधिक थूम्हं जिन खना ॥  
दया चोम्हं तेजं मणि दुम्ह बि थें तुं उम्ह मनू ।  
धनीरामं धाम्हं जिन दुगु सिया का छम्ह मनू ॥

छन्द शादूलविक्रीडित

कान्तीपूरस जिं खना अति धनीरामं धका नां वया ।  
मानं या सकलं बिए फुम्ह जुया ककर्या धनं ऋण् कया ॥  
तेजं दू अधिकं बयान छु कने वस्त्रादि बा नं दु का ।  
लोकं ह्वा वइतं वया धन दया ओजा रसीलो जुया ॥

बांला वस्त्र वया तिया जुइ वनं छाँतं वनं का वया ।  
 एयापू स्वय नं व चत्त च्वन का तेजं दुका म्हां वया ॥  
 धन्या माफिक ओं तियाव जुयफू चित्तं अती भिम्ह का ।  
 दानं याय फु का अनेक तरहं धाए धनीराम का ॥

आहा छेँ चतकं स्वयेन हिसि दू याये बयानं मफू ।  
 संतान् नं हिसि दू व पुष्ट च्वन का भ्वातःकनं सुं मजू ॥  
 ल्वेकं दू सकस्यां तिसा व वसतं धाये वनं भिम्ह का ।  
 दानं याय फुका अनेगु तरहं धाए धनीराम का ॥

न्यायें फू सफुली मती लुल गुगू बुद्धी दु धाये वया ।  
 ब्राह्मन् आदि वया च्वनी वइगु छेँ दानं बिये वं फया ॥  
 त्याये बी फु वनं स्व दाम अधिकं व्याजं नलं धाक का ।  
 दानं याय फुका अनेगु तरहं धाये धनीराम का ॥

साहूया तमनं वनं छवचनं म्वालं छको नं न्यने ।  
 छेँ ओ बुं हकनं प्रशस्त धन दू सत्ये वया दू मने ॥  
 भिकीम्हं जुल का थ्व लोक परलोक् वैके दयाओ तका ।  
 दानं याय फुका अनेगु तरहं धावे धनीराम का ॥

बाज्या बौ थमनं कमाइ न्हिनछी याना जुलं मन् तथा ।  
 अल्सी भ्याक मजू छु ज्यास भति ओं याना जुलं मन् तथा ॥  
 मं मं तेज दतं गुली धन दतं बुद्धी दतं न्हं वया ।  
 दानं याय फुका अनेगु तरहं धाये धनीराम का ॥

धन्या तेज दया मतीस दुगु ज्या यातं वनं छकलं ।  
 मानं या वइतं धनी थुम्ह धका हैलां मया का मनं ॥  
 स्वर्च याय फु का धनं घरमसं योको दयाओ धका ।  
 दानं याय फु का अनेगु तरहं धाये धनीराम का ॥

सोभा नं दत का वया धन दया ज्ञानी खनं ओ मनू ।  
 लोकं यात पत्यार का वइत नं वश्ये दु ओया मनू ॥  
 लोकं यात बयान का वइगु नं दां हे दुम्हं थो धका ।  
 दानं याय फु का अनेगु तरहं धाये धनीराम का ॥

कीर्ती दू स्व वया अनेगु थनसं तुं ओ बुँ गालेँ हिती ।  
 चू खक दयका तलं स्व सतलं वासं तयेतं सिर्ति ॥  
 कर्क्यागू उपकार्थनेगु सन ओं दामं दयाओ धका ।  
 दानं याय फु का अनेगु तरहं धाये धनीराम का ॥

दामं याय जिको सना बिल वनं थ्व लोकसं धर्म नं ।  
 धन्दे धाय वनं दया व धरमं बांला स्व वैगू धनं ॥  
 धन् थू थें मन दू थ्व लोक हितसं चानं न्हिनं का वया ।  
 दान याय फुका अनेगु तरहं धाये धनीराम का ॥

धाथें दां दुम्ह धायगू वइत का याये फया धम नं ।  
 धाका छ्वै मखु का सिकालि जित धा चानं न्हिनं का वनं ।  
 खचं याय सया धनं व धरमे धाए दु ज्ञानं वया ।  
 दानं याय फु का अनेगु तरहं धाये धनीराम का ॥

पच्चक् नं सिधलं कने न सिधलं फुक्कं निम्हेस्यां खं नं ॥  
 वैगू ज्ञां वइतं परस्पर कना कालं हनं का अनं ॥  
 अध्या भिप्यगुली फुक्कं अन कना तोता बिलं खं अनं ॥  
 कालं ख्येल्य दतं धका व हरषं आनन्द याना च्वनं ॥

छन्द शालिनी

नेने धूनं त्वाय<sup>१</sup> छीगू कृपानं ।  
 लोकं भागू भिप्यगू थो वयानं ॥  
 सीका जीनं ज्ञान काये धुनं का ।  
 थो संवादं जिं न्यनाओ थनं का ॥

छन्द शार्दूलविक्रीडित

सम्बत् विक्रम भिगुसल् व न्हयसोँ आश्वीन् सुदी द्वादसी ।  
 चोयागू सिधलं थ्व ग्रन्थ थनसं ओया जिके थो मती ॥  
 जन्मं थान जिगू नेपाल जुल का वैंसं जि नेदंषले ।  
 सिद्धीदास जि नां अमात्य थर का चोनागु त्वा जा क्यले ॥

इतिश्रो सिद्धिदास अमात्य विरचित संवादे

धनीराम नाम

चतुर्दश सर्ग ॥ १४ ॥

“झीगु साहित्य” सफुली व “सत्यसती” या भूमिकाय्  
खनेदुगु महाकवि सिद्धिदासया काव्य कृति—

प्रेम सागर (अनुदित)	सल्हा साहुति
सिद्धि रामायण	सनातन धर्म
सत्यसति (प्याहाँ वय् धुंकुगु)	सप्तस्तुति
सज्जन कण्ठा भरण	संग सुमन
सत्य ऋण	स्वंगू गुण
सरल श्रुतबोध	सकतां माः
शारदा भजन	स्वंगू ऋण
सुख दुःख	शुकरम्भा संवाद
विजुली	समाचार
संग दोष	स्वदेश वल्ल
साधारण धम	सर्वबन्धु
सर्वभक्ति	सर्वकर्म
सदां लिलाः	शुकरम्भा संवाद
सज्जन हृदया भरण (प्याहाँ वय् धुंकुगु)	सचय
सतनीति	सत्य मदन
सप्त विवाद	सिद्धि व्याकरण
संवाद (प्याहाँ वय् धुंकुगु)	शिव पिनाश
सकतां	शूक्ष्म छन्द
शिव विलास (बाखं)	